

Glenbert Croes:

HOSPITAL Y RACE-TRACK SAN NICOLAS DI VITAL IMPORTANCIA PA ARUBA

ORANJESTAD (AAN): Glenbert Croes cu insistencia y determinacion ta trahando den interes di San Nicolas vociferando pa di tantisimo bez su aprobacion y apoyo pa e proyecto di Racetrack bin bek Aruba.

Ta su sincero opinion cu OLA a presenta dos proyectonan sumamente beneficioso pa desaroyo di nos pueblo di San Nicolas. E 1er ta Hospital San Nicolas cu ta pa salvaguardia salud di

pueblo di Aruba biba pariba di brug, y 2do proyecto ta esun di Racetrack cu ta trece desaroyo y progreso pa San Nicolas, y prosperidad pa nos pueblo biba Pariba di Brug.

Ambos proyecto ta di vital importancia pa pais Aruba. E desaroyo total cu esaki ta trece cune ta indispensable pa nos por sigura progreso continuo di nos pais, y di San Nicolas en especial. Semper Gobierno a boga den ofrece na nos pueblo un bon calidad di bida mediante un salud publico sano, mediante progreso economico, mediante consolidacion y estabilizacion di nos economia y mediante un maneho cu un enfoque social.

Ta den cuadro di e plan total aki cu a percura pa proyecto di Aeropuerto, a percura pa expansion di nos waf, mudamento di waf di carga for di Playa pa Barcadera, cu a bin cu un parada nobo di bus na Playa, cu a percura pa renovacion di e flota di Arubus, cu a bin cu un Radar pa Aruba, cu a reduci tarifa di telefon,



cellular y internet, cu ta bay reduci tarifa di awa y cori-

ente, cu a logra elimina e handling fee di Coastal un abuso di MEP riba lomba di nos pueblo, reconstruccion di Sporthall na Santa Cruz, introduccion di Ley di Choller y Ley di Creche, conversion di Telecomunicacion den un industria pa Aruba, Plataforma nacional di Telecomunicacion, aumento di Turismo na mas di un miyon, atraccion di mas aerolineanan cu vuelonan pa Aruba, y asina nos por continua den nombra tur e proyectonan magnifico y indispensable pa desaroyo di Aruba.

E motibo pakico nos ta menciona tur ta pa demonstra na nos pueblo cu tur proyecto di OLA a resulta sumamente beneficioso pa Aruba unda cu ta haci estudionan profundo di e impacto cu un proyecto por tin pa Aruba. Igual nos a haci pa hospital San Nicolas y pa e Racetrack. OLA ta kere den e proyectonan aki cu nos ta sigur di lo resulta mesun beneficioso pa Aruba manera esunnan ariba menciona. Nos pueblo lo ta e testigo.

Mas reaccion:

Tin mas bario cu ta sufri di molester di "avioneta"

ORANJESTAD (AAN): Mas hende a reacciona riba e informe publica Diahuebs mainta den DIARIO, relaciona cu un avioneta cu ta circula principalmente na parti noordwest di Aruba.

E avioneta aki ta keda haci circulonnan (cu por dura te hasta 30 minuut), pa asina yega na e altura necesario pa hendenan bula cu parachute.

Reaccion a drenta for di barionan di Keito, Washington, Palm Beach, Monserat, y tambe Boegoeroei.

Nan tambe ta sinti e molester di e avioneta aki cu casi tur dia ta bula y ocasiona desorden cu su motor. A worde splica na DIARIO, cu Diahuebs merdia 12'or mes e avioneta ta bulando.

Un otro lector a splica cu el a mira e avioneta aki en cuestion riba Diaranzon mainta, y el a splica cu unavez cu e paracaidistanan a bula di e avioneta, e piloto ta converti su mes den "stunt-pilot" y ta trata pa den un solo shot baha su altura pa bay Aeropuerto. Haciendo esaki, el a mira e avion tuma algun vuelta masha straño den vecindario di High-rise hotelnan.

Atrobe un suplica ta bay na Departamento di Aviacion Civil, como tambe Toren di Control pa por favor pidi esnan di e avioneta aki pa nan haci nan "circulacion" mas leu for di Aruba, preferiblemente riba laman.

POTATOE GAME!!

